

戎笈談兵

卷二上下



戊笈談兵卷之二上

新安汪紱著

同懷兄汪曲水參

七曜災祥第二笈

汪雙池曰余讀甘石氏書及司馬史其於天人之際已畧可徵哉班氏本天官書爲天文志而晉唐宋諸史亦皆有所稱述焉及災祥賦言七曜象考類應益詳備可卜物矣夫人事召於下則天道感於上天象變於前則災戾應於後呼吸之理也惟德動天人主之事而談兵者亦時事焉昔詩人憂離畢火攻占翼箕光武驗太白李

尺筭記身 卷之二
晟避守歲往事然也夫私習固當禁矣但妄言亂眾可
誅而或考以備用亦儒者分非所論也錄此篇以在變

一著在齊賦

一占日

一占月

一占五星

一占亭

一占經星

一占雲漢

一錄分野

在齊賦

汪紱著

在察也齊
齊之也

乾吾父坤吾母相承一體

人之氣即
天地之氣

日吾兄月吾姊同氣連枝

王者日兄
而月姊

故禍福之幾先必災祥之預告

如下文
所述

在內則有光芒明暗失色之形在外則有雲氣虹霓掩食

之變

在內謂日月之自變在外謂外物之相侵掩食之說見首笈

月行失度則晦明踰節日威不肅而星月同輝

晦明不節如朧朧之類

斯天之面命耳提欲人之側身修德

董子曰災異之降天之所以仁愛人君正此意也

金司輔木司歲水司時火司法土司宿斯吾父母之大臣

此五緯之所主也稟天道察列宿故曰大臣

東蒼虬南赤鳥西咸池北玄武中璇璣是我一家之庶職

此五宮之列宿也璇璣北斗也各有所司故曰庶職

紫微為宮闕闡闔為天門至尊之所

北辰之所居七
政所不入也

太微為前朝天市為後市御事之區

古者王城之中前朝而後市紫微太微
天市三垣之中皆有帝座故特言之

五緯循行列宿經星靜拱北辰

經星凡不動之星也
隨天右旋而北向也

所主之各異庶采官司分野之不同公卿采地

所主各異如奎主溝渠鬼主祭祀之類采事也分野若
角亢氐為豫州房心為徐州之類采地食祿之地也此

又借人
事言之

行度各有其常動靜必安於故其四中日人惑其蠶星曰

五星行度雖有遲留伏逆之殊而究
之各有常度動七政也靜經星也

茂彗炎云

卷之二上七曜災祥第二策

三

凡五緯之行東曰順西曰逆同舍曰合同宿曰聚當去而
不去曰守不當至而至曰犯入其列中曰入遮其經星曰
掩

此言五行
之變異

凡列星之屬安曰靜動曰搖失位曰徙不明曰昧明大而
有鋒曰芒芒長而四出曰角失其本色曰變易其大小曰
非

此言凡星
之變異

水好流澇火好旱亂木好饑疫金好兵喪五行之性情不

一

安其常度則不為災或有變異則各以類應矣

箕翼好風畢井好雨亢鬼好疫槍楛好兵列宿之耆欲不

同楛音棒耆同嗜

洪範曰月之從星則有風雨此之謂也凡星各有嗜欲不同此特舉其大畧而言之耳

或失度以相從則災禳之迭見

若月入畢則大災火入心則亂之類是也

本無而或有彗彗之流觀象以立名各有其應

本無此星而或有之是非星也氛禳之見也觀象立名若彗如掃帚天劍如劍之類各有其應如彗主布新除舊及在何分野則何地當之之類

此乾象之大畧惟人主之能回

以上言天象以下皆以人事應天象

昔箕子陳疇於周室必修五事以召休徵臯陶告誡於虞廷亦撫五辰而凝庶績蓋視聽於無形無聲即孝子之先

意承志先去聲

箕子紂叔父五事肅又哲謀聖也貌嚴整曰肅言有條理曰又視之智曰哲聽而能度曰謀思無不通曰聖尚書武王訪於箕子箕子陳洪範九疇其第八疇曰庶徵曰休徵曰肅時雨若曰咎徵曰狂恆雨若曰僭恆暘若曰寒若曰聖時風若曰咎徵曰狂恆風若時各以其時不為豫恆燠若曰急恆寒若曰蒙恆風若時各以其時不為災也暘晴也日也燠煖也休徵美徵也咎過也恆不以其時而常然也狂則容貌不肅僭則言不順理豫者怠而不能察遠也急者燥而不能度是非也蒙不通也容貌屬水故徵以雨言屬火故徵以晴視屬木故徵以煖聽屬金故徵以寒思屬土故徵以風各以類應也撫順也五辰五行也績功也凝成也尚書臯陶曰撫於五辰

庶績其凝言順五行而無不和則庶功以成也禮記曰
孝子視於無形聽於無聲蓋孝敬謹慎之至父母雖未
有形聲而視聽不敢越也孝經曰孝子先意承志言先
父母之意而承其志蓋亦不待言而後喻父母之意而
常體親心者也此又借人事以言之謂不待有災異之
至而常修德以合於天心如孝子之先意承志焉事天
事親其道一也

恆星雨隕周室列於諸侯太白經天晉祚移於劉宋竟忘
乃父三撻之愛終遺十歲迷復之咎

春秋莊公七年夏四月辛卯夜恆星不見夜中星隕如
雨恆星列星也隕如雨胡傳以為隕星之多也蓋周室
自此而不復振五霸迭興晉義熙元年太白晝見經天
凡七未幾而劉裕篡晉為宋撻打之也伯禽入見周公
三見而周公三撻之伯禽不知其罪以問於商子商子
曰盍觀之喬梓平喬木父道也其體高而仰梓木子道
也其體低而俯伯禽見周公俯首垂佩周公乃不撻引
此而言天之以災異誠人君猶父之以笞撻教子也易

復卦上六爻曰迷復凶有災眚用行師終有大敗以其國君凶至於十年不克征迷復昏迷而不知復也天以災異警戒人君而人君不知恐懼修省是猶父教其子而子不知悔過終至於敗亡也

宋景公出有德之言而熒或退舍子產修人道之邇而鄭國無災觀天變而修己之愆是改過以回親之怒

呂氏春秋宋景公時熒或守心心宋分也子韋曰可移於相公曰相所以共治國者也曰可移於民公曰民死寡人孰與為君曰可移於歲公曰歲饑人死子韋曰君有至德之言可弭災矣是夕熒或退舍子產鄭大夫春秋昭公十八年有星孛於大辰左傳載鄭裨竈言於子產曰宋衛陳鄭將同日火若我用瓘斝玉瓚鄭必不火鄭人請用之子產不可及宋衛陳鄭災裨竈復請曰不用鄭將復火子產曰天道遠人道邇非所及也竈焉知天道遂不與鄭亦不復火此因天變而自省者猶子之改過以回親怒也

謂天變為不足憂其安石之驕癡乎罪多參而責命乃商

受之不肖也參同

王安石字介甫宋仁宗相常謂天變無與人事猶驕癡之子恃父愛而不知其喜怒也尚書西伯戡黎祖伊恐奔告於王王曰我生不有命在天乎祖伊反曰嗚呼乃罪多參在上乃能責命於天商受即紂也為天不肖之子也

星入井之為渴符生何敢於欺世也火既退而復守李晟

亦可謂知天平乎

符姓生名在晉時為秦主北史秦主符生時有奏太白犯東井者曰井為秦分太白謫見必有暴兵起於京師生曰星入井者自為渴耳何足怪乎未幾而符堅弑生自立謂其敢於欺世者以其不知戒懼而又為掩飾其事也李晟唐德宗將唐史屯兵渭橋時熒惑守歲久之方退或勸曰熒惑已退可速用兵晟曰汝安知天道及克敵謂參佐曰前者士大夫勸晟出兵非敢拒也五緯盈縮無準晟懼復來歲則我軍不戰而自潰矣眾皆曰

非所及也蓋將兵者固貴於能察乾象而晟乃
乃更懷敬審之意是則其又深於乾象者也

要之景星卿雲天所以獎勸予善災祲變異天所以儆戒

予愆

卿去聲
儆同警

景星狀如半月生於晦朔助月為明王者之瑞也宋符
瑞志曰堯卽位七十載景星出翼舜時景星出房逸詩
曰景星燦兮卿雲爛兮日月
光華旦復旦兮卿雲見後笈

人事之不臧則星辰示變而日月告凶君子致中和則天

地可位而萬物可育

總要歸於
修人事也


日爲太陽衆陽之宗人君之象也禳祥之占宜先觀乎日
列日占

⑤ 日中有王字

聖王在上民所歸往天下和平王道蕩蕩

○ 日有五色

日成五色光輝四出飛龍在天位乎天德



上下彗四

日有四彗光芒外射人君有德澤被天下



二彗下垂

兩彗下垂囹圄洞開雞竿再植肆赦眚災

◎ 日有重光

日有重光王坐明堂泰山之上梁父之旁勒石升中四國

來王

黃氣 ○ 日上黃氣


日上有氣黃而英明必有善祥喜見宮庭

青氣 ○ 日上青氣

日上有氣色青而潤處士彈冠國登髦俊

○ 黃日旁黃氣

黃雲捧日四方來格西旅底貢越裳重譯

 日旁有氣如龍鳳形

蒼龍彩鳳與日為鄰明良遇合天下歸心

○ 日色不明

有日不明驚然如黑國有讒慝上下蔽塞

○ 日入而暗

○ 日中而暗

○ 日出而暗

日出而暗君有疾病日中而暗君政不明將入而暗國有

凶喪 病叶賓王反
明叶謨郎反

○ 日色赤

色赤如赭民怨歲旱色赤如血主喪臣叛



雲盡赤而光暗

雲赤而晦四海兵起日中出沒喪土失地叶上聲

☉ 日中烏見

日中烏見主昏政亂君不知戒下民離散

 日消小
日旁赤雲羣飛如鳥

日消而小旁飛赤鳥其君有凶命未易保

○ 日隕
紱按日不隕光搖則若隕也其搖也或侵雲氣光定則止若復土矣

赤日方升忽墜若隕其君失政下夷於臣

○ 日鬪
紱按日無兩兩日相鬪其一非日也有雲而見眾日雲疊而有厚薄日影映射而成也無

○ 日鬪
雲而見日鬪日光左右搖也左右搖者陽不足主也

日復有日兩日相鬪天下分崩兵不可救